

AKHBAR : BERITA HARIAN

MUKA SURAT : ONLINE

TARIKH : 24 APRIL 2022

HARI : AHAD

SENTIMEN : POSITIF



BERITA SUKAN DUNIA HIBURAN BISNES RENCANA WANITA Hujung Minggu BH Kapsul COVID-19 VAKSIN

Imarah Ramadan PTPTN, mahasiswa UPSI

Oleh Ihsan Noorzali - April 24, 2022 @ 6:00pm

bhnews@bh.com.my



Datuk Rosni mengacau bubur lambuk sebelum diedarkan kepada barisan kepimpinan MPP UPSI - Foto NSTP/Ihsan UPSI.

TANJUNG MALIM: Program Ijarah Ramadan (IMRAN) anjuran Perbadanan Tabung Pendidikan Tinggi Nasional (PTPTN) mengeratkan hubungan antara agensi penyumbang pinjaman pendidikan itu dengan mahasiswa universiti awam di negara ini.

Program yang berlangsung semalam di Pusat Pelajar, Kampus Sultan Azlan Shah (KSAS) dirasmikan Ahli Lembaga Pengurusan PTPTN, Datuk Rosni Sohar.

Beliau berkata program memasak Bubur Lambuk Perdana yang membabitkan Majlis Perwakilan Pelajar (MPP) dan Majlis Mahasiswa Kolej (MMK) bertujuan menjalin ukhuwah antara PTPTN dengan mahasiswa.

Katanya, PTPTN memilih 14 institusi pengajian tinggi awam termasuk politeknik bagi menganjurkan IMRAN yang menyaksikan bubur lambuk dimasak oleh mahasiswa di kolej kediaman mereka.

"Program ini inisiatif adalah tanggungjawab sosial korporat PTPTN yang diadakan sejak tahun 2021 bagi bagi menjalin hubungan dengan masyarakat khususnya mahasiswa di institusi pengajian tinggi serta pengurusan mereka di seluruh negara," katanya.

Hasil gotong-royong, katanya, sebanyak 1,500 bekas bubur lambuk diedarkan kepada mahasiswa UPSI atau kira-kira 12,000 bekas untuk semua institusi pengajian.

Menurut Rosni instrumen Skim Simpanan Pendidikan Nasional (SSPN) memberi pelbagai manfaat untuk masyarakat Malaysia seperti pelepasan cukai pendapatan sehingga RM8,000 setahun, perlindungan takaful ke atas pendeposit , dividen kompetitif, Geran Sepadan percuma sehingga RM10,000 satu keluarga yang layak, patuh syariah serta dijamin oleh kerajaan.

Naib Canselor UPSI, Prof Datuk Dr Md Amin Md Taff menganggap usaha PTPTN ke kampus menjayakan IMRAN bersama mahasiswa dan kakitangan Jabatan Hal Ehwal pelajar dan Alumni sebagai usaha yang baik dalam memahami peranan dan tanggungjawab PTPTN dalam membantu mahasiswa menjayakan pengajian mereka selain membentuk nilai keinsanan dalam kalangan mahasiswa .

Hadir sama Ketua Pegawai Operasi PTPTN, Mastura Mohd Khalid; Pengerusi Majlis Pengetua UPSI, Prof Madya Dr Mohd Nizam Nasrifan serta Pengarah Bahagian Komunikasi Korporat UPSI, Prof Madya Dr Mohd. Izwan Shahril.

<https://www.bharian.com.my/berita/nasional/2022/04/949148/imarah-ramadan-ptptn-mahasiswa-upsi>